

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



六. 妙覺 – 普光明殿

力用	佛	佛不思議法品
	法	如來十身相海品
	僧	如來隨好光明功德品
本體	僧	普賢行品
	法	如來出現品
	佛	離世間品



華嚴經普賢菩薩說如來十身相海品之一		
普賢說法		爾時，普賢菩薩摩訶薩告諸菩薩言：佛子！今當為汝演說如來所有相海。
		佛子！如來頂上有三十二寶莊嚴大人相。
總說 如來相		其中有大人相，名光照一切方普放無量大光明網，一切妙寶以為莊嚴，寶發周遍，柔軟密緻，一一咸放摩尼寶光，充滿一切無邊世界，悉現佛身色相圓滿，是為一。
自性三寶——佛波羅蜜	佛	次有大人相，名佛眼光明雲，以摩尼王種種莊嚴出金色光，如眉間毫相所放光明，其光普照一切世界，是為二。
	法	次有大人相，名充滿法界雲，上妙寶輪以為莊嚴，放於如來福智燈明，普照十方一切法界諸世界海，於中普現一切諸佛及諸菩薩，是為三。
	僧	次有大人相，名示現普照雲，真金摩尼種種莊嚴，其諸妙寶咸放光明，照不思議諸佛國土，一切諸佛於中出現，是為四。
	精進	次有大人相，名放寶光明雲，摩尼寶王清淨莊嚴，毘琉璃寶以為華葉，光照十方一切法界，於中普現種種神變，讚歎如來往昔所行智慧功德，是為五。
	禪定	次有大人相，名示現如來遍法界大自在雲，菩薩神變寶焰摩尼以為其冠，具如來力覺悟一切寶焰光輪以為其鬘，其光普照十方世界，於中示現一切如來坐於道場，一切智雲充滿虛空無量法界，是為六。
	般若	次有大人相，名如來普燈雲，以能震動法界國土大自在寶海而為莊嚴，放淨光明充滿法界，於中普現十方諸菩薩功德海、過現未來佛智慧幢海，是為七。
	方便	次有大人相，名普照諸佛廣大雲，因陀羅寶、如意王寶、摩尼王寶以為莊嚴，常放菩薩焰燈光明，普照十方一切世界，於中顯現一切諸佛眾色相海、大音聲海、清淨力海，是為八。
	願	次有大人相，名圓滿光明雲，上妙琉璃摩尼王種種寶華以為莊嚴，一切眾寶舒大焰網充滿十方，一切世界一切眾生悉見如來現坐其前，讚歎諸佛及諸菩薩法身功德，令入如來清淨境界，是為九。
	力	次有大人相，名普照一切菩薩行藏光明雲，眾寶妙華以為莊嚴，寶光普照無量世界，寶焰普覆一切國土，十方法界通達無礙，震動佛音宣暢法海，是為十。
	智	次有大人相，名普光照耀雲，毘琉璃、因陀羅、金剛摩尼寶以為莊嚴，琉璃寶光色相明徹，普照一切諸世界海，出妙音聲充滿法界，如是皆從諸佛智慧大功德海之所化現，是為十一。
自性三寶——法波羅蜜	佛	次有大人相，名正覺雲，以雜寶華而為莊嚴，其諸寶華悉放光明，皆有如來坐於道場，充滿一切無邊世界，令諸世界普得清淨，永斷一切妄想分別，是為十二。
	法	次有大人相，名光明照曜雲，以寶焰藏海心王摩尼而為莊嚴，放大光明，光中顯現無量菩薩及諸菩薩所行之行，一切如來智身、法身、諸色相海充滿法界，是為十三。
	僧	次有大人相，名莊嚴普照雲，以金剛華、毘琉璃寶而為莊嚴，放大光明，光中有大寶蓮華座，具足莊嚴，彌覆法界，自然演說四菩薩行，其音普遍諸法界海，是為十四。
	精進	次有大人相，名現佛三昧海行雲，於一念中示現如來無量莊嚴，普遍莊嚴一切法界不思議世界海，是為十五。

華嚴經普賢菩薩說如來十身相海品之二

自性三寶——法波羅蜜	禪定	次有大人相，名變化海普照雲，妙寶蓮華如須彌山以為莊嚴，眾寶光明從佛願生，現諸變化無有窮盡，是為十六。
	般若	次有大人相，名一切如來解脫雲，清淨妙寶以為莊嚴，放大光明莊嚴一切佛師子座，示現一切諸佛色像及無量佛法諸佛刹海，是為十七。
	方便	次有大人相，名自在方便普照雲，毘琉璃華、真金蓮華、摩尼王燈、妙法焰雲以為莊嚴，放一切諸佛寶焰密雲，清淨光明充滿法界，於中普現一切妙好莊嚴之具，是為十八。
	願	次有大人相，名覺佛種性雲，無量寶光以為莊嚴，具足千輪，內外清淨，從於往昔善根所生，其光遍照十方世界，發明智日，宣布法海，是為十九。
	力	次有大人相，名現一切如來相自在雲，眾寶瓔珞、琉璃寶華以為莊嚴，舒大寶焰充滿法界，於中普現等一切佛刹微塵數去、來、現在無量諸佛，如師子王勇猛無畏，色相、智慧皆悉具足，是為二十。
	智	次有大人相，名遍照一切法界雲，如來寶相清淨莊嚴，放大光明普照法界，顯現一切無量無邊諸佛菩薩智慧妙藏，是為二十一。
自性三寶——僧波羅蜜	佛	次有大人相，名毘盧遮那如來相雲，上妙寶華及毘琉璃清淨妙月以為莊嚴，悉放無量百千萬億摩尼寶光，充滿一切虛空法界，於中示現無量佛刹，皆有如來結跏趺坐，是為二十二。
	法	次有大人相，名普照一切佛光明雲，眾寶妙燈以為莊嚴，放淨光明遍照十方一切世界，悉現諸佛轉於法輪，是為二十三。
	僧	次有大人相，名普現一切莊嚴雲，種種寶焰以為莊嚴，放淨光明充滿法界，念念常現不可說不可說一切諸佛與諸菩薩坐於道場，是為二十四。
	精進	次有大人相，名出一切法界音聲雲，摩尼寶海、上妙栴檀以為莊嚴，舒大焰網充滿法界，其中普演微妙音聲，示諸眾生一切業海，是為二十五。
	禪定	次有大人相，名普照諸佛變化輪雲，如來淨眼以為莊嚴，光照十方一切世界，於中普現去、來、今佛所有一切莊嚴之具，復出妙音演不思議廣大法海，是為二十六。
	般若	次有大人相，名光照佛海雲，其光普照一切世界，盡于法界無所障礙，悉有如來結跏趺坐，是為二十七。
	方便	次有大人相，名寶燈雲，放於如來廣大光明，普照十方一切法界，於中普現一切諸佛及諸菩薩不可思議諸眾生海，是為二十八。
	願	次有大人相，名法界無差別雲，放於如來大智光明，普照十方諸佛國土、一切菩薩道場眾會無量法海，於中普現種種神通，復出妙音，隨諸眾生心之所樂演說普賢菩薩行願，令其迴向，是為二十九。
	力	次有大人相，名安住一切世界海普照雲，放寶光明充滿一切虛空法界，於中普現淨妙道場及佛菩薩莊嚴身相，令其見者得無所見，是為三十。
	智	次有大人相，名一切寶清淨光焰雲，放於無量諸佛菩薩摩尼妙寶清淨光明，普照十方一切法界，於中普現諸菩薩海，莫不具足如來神力，常遊十方盡虛空界一切刹網，是為三十一。
總說如來解脫相		次有大人相，名普照一切法界莊嚴雲，最處於中，漸次隆起，閻浮檀金因陀羅網以為莊嚴，放淨光雲充滿法界，念念常現一切世界諸佛菩薩道場眾會，是為三十二。
結會頂相		佛子！如來頂上有如是三十二種大人相以為嚴好。（結構見附34-1）

華嚴經普賢菩薩說如來十身相海品之三

佛十波羅蜜	佛	眉間相	佛子！如來眉間有大人相，名遍法界光明雲，摩尼寶華以為莊嚴，放大光明，具眾寶色，猶如日月洞徹清淨，其光普照十方國土，於中顯現一切佛身，復出妙音宣暢法海，是為三十三。
	法	如來眼	如來眼有大人相，名自在普見雲，以眾妙寶而為莊嚴，摩尼寶光清淨映徹，普見一切皆無障礙，是為三十四。
	僧	如來鼻	如來鼻有大人相，名一切神通智慧雲，清淨妙寶以為莊嚴，眾寶色光彌覆其上，於中出現無量化佛坐寶蓮華，往諸世界為一切菩薩、一切眾生演不思議諸佛法海，是為三十五。
	精進	如來舌相	如來舌有大人相，名示現音聲影像雲，眾色妙寶以為莊嚴，宿世善根之所成就，其舌廣長遍覆一切諸世界海，如來若或熙怡微笑，必放一切摩尼寶光，其光普照十方法界，能令一切心得清涼，去、來、現在所有諸佛皆於光中炳然顯現，悉演廣大微妙之音，遍一切刹，住無量劫，是為三十六。
	禪定		如來舌復有大人相，名法界雲，其掌安平，眾寶為嚴，放妙寶光色相圓滿，猶如眉間所放光明，其光普照一切佛刹，唯塵所成，無有自性，光中復現無量諸佛，咸發妙音說一切法，是為三十七。
	般若	如來舌端相	如來舌端有大人相，名照法界光明雲，如意寶王以為莊嚴，自然恒出金色寶焰，於中影現一切佛海，復震妙音充滿一切無邊世界，一一音中具一切音，悉演妙法，聽者心悅，經無量劫玩味不忘，是為三十八。
	方便		如來舌端復有大人相，名照耀法界雲，摩尼寶王以為嚴飾，演眾色相微妙光明，充滿十方無量國土，盡于法界靡不清淨，於中悉有無量諸佛及諸菩薩各吐妙音種種開示，一切菩薩現前聽受，是為三十九。
	願	如來口上齟	如來口上齟有大人相，名示現不思議法界雲，因陀羅寶、毘琉璃寶以為莊嚴，放香燈焰清淨光雲，充滿十方一切法界，示現種種神通方便，普於一切諸世界海開演甚深不思議法，是為四十。
	力	如來口右輔下牙	如來口右輔下牙有大人相，名佛牙雲，眾寶摩尼卅字相輪以為莊嚴，放大光明普照法界，於中普現一切佛身，周流十方開悟群生，是為四十一。
法十波羅蜜	智	如來口右輔上牙	如來口右輔上牙有大人相，名寶焰彌盧藏雲，摩尼寶藏以為莊嚴，放金剛香焰清淨光明，一一光明充滿法界，示現一切諸佛神力，復現一切十方世界淨妙道場，是為四十二。
	佛	如來口左輔下牙	如來口左輔下牙有大人相，名寶燈普照雲，一切妙寶舒華發香以為莊嚴，放燈焰雲清淨光明，充滿一切諸世界海，於中顯現一切諸佛坐蓮華藏師子之座，諸菩薩眾所共圍遶，是為四十三。
	法	如來口左輔上牙	如來口左輔上牙有大人相，名照現如來雲，清淨光明、閻浮檀金、寶網、寶華以為莊嚴，放大焰輪充滿法界，於中普現一切諸佛，以神通力於虛空中流布法乳、法燈、法寶，教化一切諸菩薩眾，是為四十四。
	僧	如來齒	如來齒有大人相，名普現光明雲，一一齒間相海莊嚴，若微笑時悉放光明，具眾寶色摩尼寶焰右旋宛轉，流布法界靡不充滿，演佛言音說普賢行，是為四十五。
	精進	如來脣	如來脣有大人相，名影現一切寶光雲，放閻浮檀真金色、蓮華色、一切寶色廣大光明，照于法界悉令清淨，是為四十六。

華嚴經普賢菩薩說如來十身相海品之四

法十波羅蜜	禪定	如來頸	如來頸有大人相，名普照一切世界雲，摩尼寶王以為莊嚴，紺蒲成就柔軟細滑，放毘盧遮那清淨光明，充滿十方一切世界，於中普現一切諸佛，是為四十七。
	般若	如來右肩	如來右肩有大人相，名佛廣大一切寶雲，放一切寶色、真金色、蓮華色光明，成寶焰網普照法界，於中普現一切菩薩，是為四十八。
	方便		如來右肩復有大人相，名最勝寶普照雲，其色清淨如閻浮金，放摩尼光充滿法界，於中普現一切菩薩，是為四十九。
	願	如來左肩	如來左肩有大人相，名最勝光照法界雲，猶如頂上及以眉間種種莊嚴，放閻浮檀金及蓮華色眾寶光明，成大焰網充滿法界，於中示現一切神力，是為五十。
	力		如來左肩復有大人相，名光明遍照雲，其相右旋，閻浮檀金色摩尼寶王以為莊嚴，放眾寶華，香焰光明充遍法界，於中普現一切諸佛及以一切嚴淨國土，是為五十一。
	智		如來左肩復有大人相，名普照耀雲，其相右旋，微密莊嚴，放佛燈焰雲，清淨光明充遍法界，於中顯現一切菩薩種種莊嚴悉皆妙好，是為五十二。
僧十波羅蜜	佛	如來胸臆	如來胸臆有大人相，形如卐字，名吉祥海雲，摩尼寶華以為莊嚴，放一切寶色種種光焰輪，充滿法界普令清淨，復出妙音宣暢法海，是為五十三。
	法	吉祥相右邊	吉祥相右邊有大人相，名示現光照雲，因陀羅網以為莊嚴，放大光輪充滿法界，於中普現無量諸佛，是為五十四。
	僧		吉祥相右邊復有大人相，名普現如來雲，以諸菩薩摩尼寶冠而為莊嚴，放大光明普照十方一切世界悉令清淨，於中示現去、來、今佛坐於道場，普現神力廣宣法海，是為五十五。
	精進		吉祥相右邊復有大人相，名開敷華雲，摩尼寶華以為莊嚴，放寶香焰燈清淨光明，狀如蓮華，充滿世界，是為五十六。
	禪定		吉祥相右邊復有大人相，名可悅樂金色雲，以一切寶心王藏摩尼王而為莊嚴，放淨光明照于法界，於中普現猶如佛眼廣大光明摩尼寶藏，是為五十七。
	般若		吉祥相右邊復有大人相，名佛海雲，毘琉璃寶、香燈、華鬘以為莊嚴，放滿虛空摩尼寶王香燈大焰清淨光明，充遍十方一切國土，於中普現道場眾會，是為五十八。
	方便	吉祥相左邊	吉祥相左邊有大人相，名示現光明雲，無數菩薩坐寶蓮華以為莊嚴，放摩尼王種種間錯寶焰光明，普淨一切諸法界海，於中示現無量諸佛，及佛妙音演說諸法，是為五十九。
	願		吉祥相左邊復有大人相，名示現遍法界光明雲，摩尼寶海以為莊嚴，放大光明遍一切刹，於中普現諸菩薩眾，是為六十。
	力		吉祥相左邊復有大人相，名普勝雲，日光明摩尼王寶輪鬘而為莊嚴，放大光焰充滿法界諸世界海，於中示現一切世界、一切如來、一切眾生，是為六十一。
	智		吉祥相左邊復有大人相，名轉法輪妙音雲，一切法燈清淨香藥以為莊嚴，放大光明充滿法界，於中普現一切諸佛所有相海及以心海，是為六十二。
精進	佛		吉祥相左邊復有大人相，名莊嚴雲，以去、來、今一切佛海而為莊嚴，放淨光明嚴淨一切諸佛國土，於中普現十方一切諸佛菩薩及佛菩薩所行之行，是為六十三。

華嚴經普賢菩薩說如來十身相海品之五

精進十波羅蜜	法	如來右手	如來右手有大人相，名海照雲，眾寶莊嚴，恒放月焰清淨光明，充滿虛空一切世界，發大音聲歎美一切諸菩薩行，是為六十四。
	僧		如來右手復有大人相，名影現照耀雲，以毘琉璃、帝青、摩尼寶華而為莊嚴，放大光明普照十方菩薩所住蓮華藏、摩尼藏等一切世界，於中悉現無量諸佛，以淨法身坐菩提樹，震動一切十方國土，是為六十五。
	精進		如來右手復有大人相，名燈焰鬘普嚴淨雲，毘盧遮那寶以為莊嚴，放大光明成變化網，於中普現諸菩薩眾，咸戴寶冠演諸行海，是為六十六。
	禪定		如來右手復有大人相，名普現一切摩尼雲，蓮華焰燈而為莊嚴，放海藏光充遍法界，於中普現無量諸佛坐蓮華座，是為六十七。
	般若		如來右手復有大人相，名光明雲，摩尼焰海以為莊嚴，放眾寶焰、香焰、華焰清淨光明，充滿一切諸世界網，於中普現諸佛道場，是為六十八。
	方便	如來左手	如來左手有大人相，名毘琉璃清淨燈雲，寶地妙色以為莊嚴，放於如來金色光明，念念常現一切上妙莊嚴之具，是為六十九。
	願		如來左手復有大人相，名一切刹智慧燈音聲雲，以因陀羅網、金剛華而為莊嚴，放閻浮檀金清淨光明，普照十方一切世界，是為七十。
	力		如來左手復有大人相，名安住寶蓮華光明雲，眾寶妙華以為莊嚴，放大光明如須彌燈，普照十方一切世界，是為七十一。
禪定十波羅蜜	智		如來左手復有大人相，名遍照法界雲，以妙寶鬘、寶輪、寶瓶、因陀羅網及眾妙相以為莊嚴，放大光明普照十方一切國土，於中示現一切法界、一切世界海、一切如來坐蓮華座，是為七十二。
	佛	如來右手指	如來右手指有大人相，名現諸刹海旋雲，水月焰藏摩尼王一切寶華以為莊嚴，放大光明充滿法界，其中恒出微妙音聲滿十方刹，是為七十三。
	法	如來左手指	如來左手指有大人相，名安住一切寶雲，以帝青、金剛寶而為莊嚴，放摩尼王眾寶光明充滿法界，其中普現一切諸佛及諸菩薩，是為七十四。
	僧	如來右手掌	如來右手掌有大人相，名照耀雲，以摩尼王千輻寶輪而為莊嚴，放寶光明，其光右旋充滿法界，於中普現一切諸佛，一一佛身光焰熾然，說法度人，淨諸世界，是為七十五。
	精進	如來左手掌	如來左手掌有大人相，名焰輪普增長化現法界道場雲，以日光摩尼王千輻輪而為莊嚴，放大光明充滿一切諸世界海，於中示現一切菩薩，演說普賢所有行海，普入一切諸佛國土，各各開悟無量眾生，是為七十六。
	禪定	如來陰藏	如來陰藏有大人相，名普流出佛音聲雲，一切妙寶以為莊嚴，放摩尼燈華焰光明，其光熾盛，具眾寶色，普照一切虛空法界，其中普現一切諸佛遊行往來處處周遍，是為七十七。
	般若	如來右臂	如來右臂有大人相，名寶燈鬘普照雲，諸摩尼寶以為莊嚴，放不思議寶焰光明，彌布十方一切法界，與虛空法界同為一相，而能出生一切諸相，一一相中悉現諸佛自在神變，是為七十八。
	方便	如來左臂	如來左臂有大人相，名示現一切法界海光明彌覆虛空雲，猶如蓮華，清淨妙寶以為嚴飾，放光明網遍照十方一切法界，於中普現種種相雲，是為七十九。

華嚴經普賢菩薩說如來十身相海品之六

禪定	願	如來右髀	如來右髀有大人相，名普現雲，以眾色摩尼而為莊嚴，其髀與臚上下相稱，放摩尼焰妙法光明，於一念中能普示現一切寶王遊步相海，是為八十。
	力	如來左髀	如來左髀有大人相，名現一切佛無量相海雲，一切寶海隨順安住以為莊嚴，廣大遊行，放淨光明普照眾生，悉使希求無上佛法，是為八十一。
	智	如來右邊伊尼延鹿王臚	如來右邊伊尼延鹿王臚有大人相，名一切虛空法界雲，光明妙寶以為莊嚴，其相圓直，善能遊步，放閻浮金色清淨光明，遍照一切諸佛世界，發大音聲普皆震動，復現一切諸佛國土，住於虛空寶焰莊嚴，無量菩薩從中化現，是為八十二。
般若十波羅蜜	佛	如來左邊伊尼延鹿王臚	如來左邊伊尼延鹿王臚有大人相，名莊嚴海雲，色如真金，能遍遊行一切佛刹，放一切寶清淨光明，充滿法界施作佛事，是為八十三。
	法	如來寶臚上毛	如來寶臚上毛有大人相，名普現法界影像雲，其毛右旋，一一毛端放寶光明，充滿十方一切法界，示現一切諸佛神力，其諸毛孔悉放光明，一切佛刹於中顯現，是為八十四。
	僧	如來足下	如來足下有大人相，名一切菩薩海安住雲，色如金剛、閻浮檀金，清淨蓮華放寶光明，普照十方諸世界海，寶香焰雲處處周遍，舉足將步，香氣周流，具眾寶色充滿法界，是為八十五。
	精進	如來右足	如來右足上有大人相，名普照一切光明雲，一切眾寶以為莊嚴，放大光明充滿法界，示現一切諸佛菩薩，是為八十六。
	禪定	如來左足	如來左足上有大人相，名普現一切諸佛雲，寶藏摩尼以為莊嚴，放寶光明，於念念中現一切佛神通變化，及其法海所坐道場，盡未來際劫無有間斷，是為八十七。
	般若	如來右足指間	如來右足指間有大人相，名光照一切法界海雲，須彌燈摩尼王千輻焰輪種種莊嚴，放大光明充滿十方一切法界諸世界海，於中普現一切諸佛所有種種寶莊嚴相，是為八十八。
	方便	如來左足指間	如來左足指間有大人相，名現一切佛海雲，摩尼寶華、香焰、燈鬘、一切寶輪以為莊嚴，恒放寶海清淨光明，充滿虛空，普及十方一切世界，於中示現一切諸佛及諸菩薩圓滿音聲、卐字等相，利益無量一切眾生，是為八十九。
	願	如來右足跟	如來右足跟有大人相，名自在照耀雲，帝青、寶末以為莊嚴，常放如來妙寶光明，其光妙好充滿法界，皆同一相無有差別，於中示現一切諸佛坐於道場演說妙法，是為九十。
	力	如來左足跟	如來左足跟有大人相，名示現妙音演說諸法海雲，以變化海摩尼寶、香焰海須彌華摩尼寶及毘琉璃而為莊嚴，放大光明充滿法界，於中普現諸佛神力，是為九十一。
	智	如來右足趺	如來右足趺有大人相，名示現一切莊嚴光明雲，眾寶所成，極妙莊嚴，放閻浮檀金色清淨光明，普照十方一切法界，其光明相猶如大雲，普覆一切諸佛道場，是為九十二。
方便	佛	如來左足趺	如來左足趺有大人相，名現眾色相雲，以一切月焰藏毘盧遮那寶、因陀羅尼羅寶而為莊嚴，念念遊行諸法界海，放摩尼燈香焰光明，其光遍滿一切法界，是為九十三。

華嚴經普賢菩薩說如來十身相海品之七

方便十波羅蜜	法	如來 右足四周	如來右足四周有大人相，名普藏雲，因陀羅尼羅金剛寶以為莊嚴，放寶光明充滿虛空，於中示現一切諸佛坐於道場摩尼寶王師子之座，是為九十四。
	僧	如來 左足四周	如來左足四周有大人相，名光明遍照法界雲，摩尼寶華以為莊嚴，放大光明充滿法界平等一相，於中示現一切諸佛及諸菩薩自在神力，以大妙音演說法界無盡法門，是為九十五。
	精進	如來 右足指端	如來右足指端有大人相，名示現莊嚴雲，甚可愛樂閻浮檀清淨真金以為莊嚴，放大光明充滿十方一切法界，於中示現一切諸佛及諸菩薩無盡法海種種功德、神通變化，是為九十六。
	禪定	如來 左足指端	如來左足指端有大人相，名現一切佛神變雲，不思議佛光明、月焰普香、摩尼寶焰輪以為莊嚴，放眾寶色清淨光明，充滿一切諸世界海，於中示現一切諸佛及諸菩薩演說一切諸佛法海，是為九十七。
結會			佛子！毘盧遮那如來有如是等十華藏世界海微塵數大人相；一一身分，眾寶妙相以為莊嚴。（結構見附34-2）

*此如來十身相海即自性地佛法僧起世間身相，以世俗地相言如來地法，以無為法性起有為法用，總依自性而起，依十波羅蜜法而成，不可依世俗知見強言如來地相，當知如來法是解脫法，如來地是自性之無為法地。此如來十身相海，經文即六十五相，依華嚴經規模當有百相，合入法界十波羅蜜百法之義，前三十二相者，言自性而起，此百法言十波羅蜜之用，總成百三十二相。疑似缺文，當審辨明。

附34-1：華嚴經如來十身相海品之如來頂上三十二寶莊嚴相

法主	普賢菩薩					
一	佛子！如來頂上有三十二寶莊嚴大人相。其中有大人相，名光照一切方普放無量大光明網，一切妙寶以為莊嚴，寶發周遍，柔軟密緻，一一咸放摩尼寶光，充滿一切無邊世界，悉現佛身色相圓滿。(總說法界圓滿智本體相)					
十度	自性覺(佛)-意業		自性正(法)-語業		自性淨(僧)-身業	
佛	二	佛眼光明雲	十二	正覺雲	二二	毘盧遮那如來相雲
法	三	充滿法界雲	十三	光明照耀雲	二三	普照一切佛光明雲
僧	四	示現普照雲	十四	莊嚴普照雲	二四	普現一切莊嚴雲
精進	五	放寶光明雲	十五	現佛三昧海行雲	二五	出一切法界音聲雲
禪定	六	示現如來遍法界大自在雲	十六	變化海普照雲	二六	普照諸佛變化輪雲
般若	七	如來普燈雲	十七	一切如來解脫雲	二七	光照佛海雲
方便	八	普照諸佛廣大雲	十八	自在方便普照雲	二八	寶燈雲
願	九	圓滿光明雲	十九	覺佛種性雲	二九	法界無差別雲
力	十	普照一切菩薩行藏光明雲	二十	現一切如來相自在雲	三十	安住一切世界海普照雲
智	十一	普光照耀雲	二一	遍照一切法界雲	三一	一切寶清淨光焰雲
三二	次有大人相，名普照一切法界莊嚴雲，最處於中，漸次隆起，閻浮檀金、因陀羅網以為莊嚴，放淨光雲充滿法界，念念常現一切世界諸佛菩薩道場眾會。(總說自眉間相至足趾六十五種法界莊嚴相)					

(返回第574頁)

附34-2：華嚴經如來十身相海品之如來身寶莊嚴相之一

文序	十度	次第	如來身相	身相名
三三	佛十波羅蜜	佛	如來眉間有大人相	遍法界光明雲
三四		法	如來眼有大人相	自在普見雲
三五		僧	如來鼻有大人相	一切神通智慧雲
三六		精進	如來舌有大人相	示現音聲影像雲
三七		禪定	如來舌復有大人相	法界雲
三八		般若	如來舌端有大人相	照法界光明雲
三九		方便	如來舌端復有大人相	照耀法界雲
四十		願	如來口上齟有大人相	示現不思議法界雲
四一		力	如來口右輔下牙有大人相	佛牙雲
四二		智	如來口右輔上牙有大人相	寶焰彌盧藏雲
四三	法十波羅蜜	佛	如來口左輔下牙有大人相	寶燈普照雲
四四		法	如來口左輔上牙有大人相	照現如來雲
四五		僧	如來齒有大人相	普現光明雲
四六		精進	如來脣有大人相	影現一切寶光雲
四七		禪定	如來頸有大人相	普照一切世界雲
四八		般若	如來右肩有大人相	佛廣大一切寶雲
四九		方便	如來右肩復有大人相	最勝寶普照雲
五十		願	如來左肩有大人相	最勝光照法界雲
五一		力	如來左肩復有大人相	光明遍照雲
五二		智	如來左肩復有大人相	普照耀雲
五三	僧十波羅蜜	佛	如來胸臆有大人相形如𠂔字	吉祥海雲
五四		法	吉祥相右邊有大人相	示現光照雲
五五		僧	吉祥相右邊復有大人相	普現如來雲
五六		精進	吉祥相右邊復有大人相	開敷華雲
五七		禪定	吉祥相右邊復有大人相	可悅樂金色雲
五八		般若	吉祥相右邊復有大人相	佛海雲
五九		方便	吉祥相左邊有大人相	示現光明雲
六十		願	吉祥相左邊復有大人相	示現遍法界光明雲
六一		力	吉祥相左邊復有大人相	普勝雲
六二		智	吉祥相左邊復有大人相	轉法輪妙音雲
六三	精進	佛	吉祥相左邊復有大人相	莊嚴雲
六四		法	如來右手有大人相	海照雲
六五		僧	如來右手復有大人相	影現照耀雲
六六		精進	如來右手復有大人相	燈焰鬘普嚴淨雲

附34-2：華嚴經如來十身相海品之如來身寶莊嚴相之二

文序	十度	次第	如來身相	身相名
六七	精進十波羅蜜	禪定	如來右手復有大人相	普現一切摩尼雲
六八		般若	如來右手復有大人相	光明雲
六九		方便	如來左手有大人相	毘瑠璃清淨燈雲
七十		願	如來左手復有大人相	一切剎智慧燈音聲雲
七一		力	如來左手復有大人相	安住寶蓮華光明雲
七二		智	如來左手復有大人相	遍照法界雲
七三	禪定十波羅蜜	佛	如來右手指有大人相	現諸劫剎海旋雲
七四		法	如來左手指有大人相	安住一切寶雲
七五		僧	如來右手掌有大人相	照耀雲
七六		精進	如來左手掌有大人相	焰輪普增長化現法界道場雲
七七		禪定	如來陰藏有大人相	普流出佛音聲雲
七八		般若	如來右臀有大人相	寶燈鬘普照雲
七九		方便	如來左臀有大人相	示現一切法界海光明彌覆虛空雲
八十		願	如來右髀有大人相	普現雲
八一	般若十波羅蜜	力	如來左髀有大人相	現一切佛無量相海雲
八二		智	如來右邊伊尼延鹿王牀有大人相	一切虛空法界雲
八三		佛	如來左邊伊尼延鹿王牀有大人相	莊嚴海雲
八四		法	如來寶牀上毛有大人相	普現法界影像雲
八五		僧	如來足下有大人相	一切菩薩海安住雲
八六		精進	如來右足上有大人相	普照一切光明雲
八七		禪定	如來左足上有大人相	普現一切諸佛雲
八八		般若	如來右足指間有大人相	光照一切法界海雲
八九		方便	如來左足指間有大人相	現一切佛海雲
九十		願	如來右足跟有大人相	自在照耀雲
九一		力	如來左足跟有大人相	示現妙音演說諸法海雲
九二		智	如來右足趺有大人相	示現一切莊嚴光明雲
九三	方便波羅蜜	佛	如來左足趺有大人相	現眾色相雲
九四		法	如來右足四周有大人相	普藏雲
九五		僧	如來左足四周有大人相	光明遍照法界雲
九六		精進	如來右足指端有大人相	示現莊嚴雲
九七		禪定	如來左足指端有大人相	現一切佛神變雲

(返回第579頁)